

**O‘zbekiston Respublikasi Prezidentining 2020-yil 6-oktyabrdagi “O‘zbekiston Respublikasida o‘rmon xo‘jaligi tizimini 2030 yilgacha rivojlantirish konsepsiyasini tasdiqlash to‘g‘risida”gi qaror ijrosini ta‘minlash maqsadida O‘rmon xo‘jaligi agentligi tomonidan 2022 yilda keng ko‘lamli ishlar amalga oshirilmoqda.**

Jumladan,

O‘rmon fondi yerlari **12 mln. gektarga** yetkazildi. O‘rmon fondi yer maydonining **85,5 foizini (10 mln. 260 ming gektar)** cho‘l, **13,2 foizini (1 mln. 584 ming gektar)** tog‘, **0,2 foizini (24 ming gektar)** vodiylar, **1,1 foizini esa (132 ming gektar)** to‘qay hududlari tashkil etadi.

O‘rmon fondining foydalanilmayotgan **7 ming gektar** yer maydonlari o‘zlashtirilib, foydalanishga kiritildi, foydalanilmayotgan **3,5 ming gektar** yer maydonlari jismoniy va yuridik shaxslarga uzoq muddatga ijaraga berildi.

2022 yilda O‘rmon xo‘jaliklari tomonidan jami **232,8 ming gektar** maydonda o‘rmon barpo etish va qayta tiklash tadbirlari bajarildi. Shu jumladan, Orol dengizining qurigan tubi va Orolbo‘yi hududlarida jami **208 ming gektar**, shundan Qoraqalpog‘iston Respublikasi Mo‘ynoq tumanida **107 ming gektar**, Buxoro viloyatida **40 ming gektar**, Navoiy viloyatida **50 ming gektar** va Xorazm viloyatida **11 ming gektar** maydonda cho‘l o‘simliklaridan “yashil qoplamalar” - himoya o‘rmonzorlari barpo etildi.

Sug‘oriladigan qishloq xo‘jaligi yerlar dala chetlarida **2,5 ming gektar** maydonda ihota daraxtzorlari barpo etildi.

O‘rmon barpo qilish, niholxona va ko‘chatxonalar tashkil etish hamda ko‘kalamzorlashtirish tadbirlari uchun daraxt va butalarning **1 000 tonna urug‘lari** jamg‘arildi.

- jami **113 mln. dona**, shundan, **30 mln dona** tut, **15 mln** dona terak va pavlovniya, **68 mln dona** boshqa turdagi manzarali, mevali daraxt hamda butalarning nihol va ko‘chatlari yetishtirildi.

Respublika bo‘yicha “**Yashil makon**” umummilliy loyihasi doirasida davomida ko‘chat ekish ishlariga barcha kuch va imkoniyatlar to‘liq safarbar etildi.

Amalga oshirilgan ishlar natijasida respublika hududlarida jami **202,8 mln dona** manzarali, mevali va boshqa turdagi ko‘chatlar ekildi (**102 foiz**).

*Ma‘lumot o‘rnida: Qoraqalpog‘iston Respublikasida 14,1 mln. dona, Andijonda 15,6 mln dona, Buxoroda 16 mln dona, Jizzaxda 15,9 mln dona, Qashqadaryoda 16,3 mln. dona, Navoiyda 15 mln. dona, Namanganda 15,1 mln dona, Samarqandda 16,5 mln dona, Surxondaryoda 16 mln dona, Sirdaryoda 13,9 mln dona, Toshkentda*

**16,3 mln dona, Farg'onada 14,8 mln dona, Xorazmda 15,2 mln dona hamda Toshkent shahrida 1,2 mln dona iqlim sharoitiga mos ko'chat va qalamchalar ekildi.**

“Yashil makon” loyihasi doirasida ekish uchun Olmazor tumaniga **31 ming** dona va Yangi hayot tumaniga **20 ming** dona jami **51 ming** donadan ortiq mevali va manzarali ko'chatlar yetkazib berildi.

Shuningdek, agentlikka birlashtirilgan mahallalarda istiqomat qiluvchi ijtimoiy himoyaga va yordamga muhtoj aholi qatlamlarini moddiy qo'llab-quvvatlash maqsadida **340 ta** ehtiyojmand oilalarga oziq-ovqat mahsulotlari tarqatilgan bo'lsa, **100 nafar** fuqarolarning O'zbek Milliy Akademik drama teatriga hamda **50 nafar** fuqarolarning Samarqand viloyatidagi turizm markazlariga sayohati tashkillashtirildi.

O'rmon xo'jaliklari tomonidan kuzgi ko'chat ekish mavsumida ko'chatlarni yetkazib berish bo'yicha reja-grafigi tasdiqlandi hamda **13,5 mln. tup (topshiriqqa nisbatan 104,5 foiz)** ko'chatlar yetkazib berildi.

Bundan tashqari, “**Yashil hudud**” **DUK** va uning hududiy korxonalari hamda mahalliy hokimliklar bilan hamkorlikda “yashil bog'lar” va “yashil jamoat parklari” tashkil etilishi bo'yicha amaliy ishlar olib borildi. Buning natijasida **588,4 gektar** maydonda (rejaga nisbatan **101 foiz**) “yashil bog'lar” va **662,3 gektar** maydonda “yashil jamoat parklari” (rejaga nisbatan **61 foiz**) tashkil etildi

- **5,4 ming** gektar maydonda dorivor va ozuqabop o'simliklar plantatsiyalari barpo etilib, **8,3 ming tn** dorivor va ozuqabop o'simliklar xom ashyosi tayyorlandi.

- o'rmon fondining o'zlashtirilmagan yerlarida **20 dona** tik quduqlar va **15 dona** suv nasoslari o'rnatildi;

- xususiy sektor subyektlarini keng jalb qilish hisobiga chorva soni **160 ming boshga**, parranda soni **1,1 mln. boshga**, asalari oilasi soni **210 ming taga** yetkazildi.

Sohada qo'shimcha tarmoqlarni rivojlantirish hisobiga yalpi daromad **290 mlrd. so'mni tashkil qildi va 10 ming ta** yangi ish o'rinlari yaratildi.

O'rmon xo'jaliklarida “**Temir daftar**”, “**Yoshlar daftari**” hamda “**Ayollar daftari**”ga kiritilgan **10054 ta** aholi yangi ish o'rinlariga ega bo'ldi (*shundan, **3414 nafar** yoshlar, **1626 nafar** xotin-qizlar*).

O'rmon fondi yerlarida **2 ta** tashrif markazlari, **30 ta** eko marshrutlar tashkil etildi va **190 ta** loyihalar amalga oshirilib, ekoturizm obyektlari **270 taga** yetkazildi.